



## Орган Лемковского Союза.

Выходит в каждый четверг.

Редакция и администрация в Крыници. — Адрес „Лемко“ Крыница.

Пренумерата в краю:  
 50 грошей місячно,  
 2.50 зл. полрочно,  
 5 зл. рочно.  
 В Америці: 1 дол. полрочно,  
 2 дол. рочно.  
 В Чехословакии:  
 3 кор. місячно, 15 кор. полрочно,  
 30 кор. рочно.  
 Конто чекове Нр. 404.155.

## Рольничая Школа в Лососині.

## СТЫПЕНДИИ ДЛЯ 4 УЧЕНИКОВ.

Лемковский Союз выстарал ся в Повітовом Выділі в Новом Санчі о стипендии для чотырох учеников Рольничой школы в Лососині. С той стипендии можут користати наши хлопцы с повіта ново-сандецкого, котры укончили школу народну. Наука в той школі тырват 2 знымы и начинат ся 15/XI. Крім науки о рольництві и домашном господарстві учат в той школі также молочарства (выробу масла и сыров). Школа тота може оддати нашим селам великы користи, бо при науці в той школі узглядняють именно малы господарства горскы. Лососина сама лежит в гористой части повіта лимановского. Земля и климат в Лососині сун такы самы, або сильно зближены до ґрунтов и климата наших сел. Сама школа распоряджат лем 24-ре морговым гористым ґрунтом и на таком ґрунті веде господарство, але веде его добре. Не садит ся на нич дорогого и недоступного для каждого газды, не тримат расовых, дорогих коней и коров, не спроваджат заграничных штучных навозов и насінь, не показуе ученикам нияких чудес, але дае потребну каждому газдови науку. Там каждый ученик научит ся наглядно и переконат ся, што именно тота наша горска, невеличка, червена коровка отвітно кормлена, при добром стаенном поміщеню, дае о много больше молока, як звычайно на наших господарствах, там увидит школяр, што и користь з лук и полян може увеличити ся, там научит ся выробляти сметанкове масло, котре має все высшу ціну и розлижны сыры. В школі той учат также книговодства и хемии так, же каждый по уконченю той школы буде уміти не лем вытягнути со своего ґрунта як найвыши користи, але также с'уміе на основі веденых господарских книг переконати ся сам, котры ростины и звірята дают ему векший хосен, а котры приносят невеликий зыск, або не дают жадной користи.

Понятно, што по переконаню ся о том, каждый газда будэ у себе плекати лем тоты ростины и ховати лем тоту живину, котры дают найбільше користи и тым самым увеличит он свои доходы.

Наука хемии ест также господарови доконче потребна, бо лем втотчас газда буде знати, якы навозы давати под поодынокы

гатурны зерна ци других ростин. У нас случат ся часто, што газда и переоре земличку и поборонит и даст навозы, а помимо того всего має планний уроджай. Причином того ест незнане, якых навозов потребуе посіяна, або посажена ростина. Часами зас даеме навозы втотчас, коли ґрунт не потребуе тых навозов, бо містит их в собі, але в таком виді, же они не можут распустити ся в воді и не можут быти побраны через корені ростин. В таких случаях треба сіяти дашто таке, што може распустити находячи ся в ґрунті навозы. О том вшитком довідует ся школяр Рольничой Школы с науки, котра зове ся хемия и знае хемии хоронит его часто перед непотребныма стратами.

Крім того ест в горах кошар увец, котрый належит до той школы. При кошарі ест поміщене, в котром же бача и выраблят овечи сшыры и брынду. В школі той запознат ся ученик с рациональным ховом увец и с их породами, а также переконат ся, якы гатурны увец надакт ся найліпше до хову в наших горах.

При школі веде ся также молочарню и сыроварню кооперативну и там ученик видит наглядно, якы користи дае лучене ся людей в кооперативны союзы.

Рольничая Школа в Лососині взяла собі за ціль научити штуку господарства молоды покоління и тым самым поднести добробыт горских сел. Не ест то така школа, котра бы давала по уконченю ей даякы посадки, ні, тота школа дае лем таку науку, котру можна барз добре використати на власном ґрунті и власном господарстві, тому то, до той школы треба, штобы ишли тоты хлопцы, котры достанут даколи от своих родичей ґрунт. Треба однак, штобы в каждом селі было по 2—3 газдов с уконченем школом рольничом, то втотчас на правду мине біда и поверне добробыт до наших хат.

На разі має приречену стипендию лем для чотырох, однак будеме старати ся о дальшу помоч. Тых чотырох наука и удержане в школі не буде нич коштovati, а в зимі люди мають час и без хлопца в дому можна обыйти ся без страты. Лемковский Союз робит старания также и в других повітах, а именно в горлицком, ясельском, короснян-

ском, сяноцком и ліском о субвенции для учеников той школы и сподіват ся такы стипендии одержати. Тому тоты хлопцы других повітов, котры хотіли бы достати ся до рольничой школы, нехай напишут до редакции газеты „Лемко“, штобы их мати в евиденции.

Написати треба зараз, бо наука в школі начинат ся уж скоро. Рефлектанты с повіта ново-сандецкого нехай присылают сейчас подання со свідотствами.

## Треба ударити в тревогу!

Уж в попередном числі „Лемка“ донесли мы, што до Львова приіхал Апостольский Визитатор о. Иван Гудечко в цілі переведення люстрации в епархии львовской, станиславовской и перемышльской. Урядовый комуникат подае также, што о. Иван Гудечко хоче на місци запознати ся с обставинами и потребамы церкви.

Довірочно однак редакция довідала ся, што ціль того приїзда ест розслідувати ищераз справу, ци ест потреба основати нове епископство для Лемковщины и ци основане лемковской, отдільной епархии успокоит народ и удержит его при унии.

Не треба повторяти того, што украинцы, так люди світскы, як и священники с епископом во главі будут переконовати достойного Делегата Апостольской Столицы, што нове, отдільне, лемковске епископство, не лем, што діла не поправит, а наоборот, што оно стане ся новым несчастьем для униатской церкви, бо придут священники рускы, котры не будут остро выступати против православия и они діло запропастьят окончательно. Так напевно будут они кричати, штобы лем перешкодити основаню лемковской епархии.

Такыма то и тым подобныма информациями можут они отложити на долгый час тоту пекучу для цілой Лемковщины справу. Тому то нам не вольно спокойно ждати, але треба конечно и то зараз



в каждом селі, в каждой читальні и в каждом кооперативі скликати як найчисленніші зібрання и домогати ся як найскоршого осередження и обсадженого єпископського лемковського престолу.

В таких ухвалях треба навести всі факти, котры промовляють за потребом безотложного осередження и обсадженого лемковського єпископства. Фактов тих не бракує, бо всім нам знані сут причини переходу наших людей на православие. Причини тоты не мали осередження релігійного, а переход был викликаний агресивным нетерпимым поведєнем росполитикованих священников українських.

С другой стороны треба в тих ухвалях надімити и то, што от часу, коли наш народ на Лемковщині довідал ся о том, што в коротком часі буде осереджене одіельне єпископство для Лемков и што тым єпископом буде наш чоловік, котрый устраним політиканство в нашой церкві, во было уж случас переходу на православие а в каждом

разі число переходячих поменьшало ся значно. Также и многы с тих, котры перешли уж, вдержують ся нині с будовом новых храмов, бо повідають, што в случаю перемены обставин, они вернут зас на унию. Зрешти тоты можут лем так долго, покаяні у них православных церквей и домов приходских, але не зробят того познійше. Тому кжде откладане той справи єст в послідствах барз шкідливе.

С зібрань таких треба высылати депешы до Атопольского Визитатора О. Йоана Гудечкы. Самы протоколы ухвал просиме присылати як найскорше и с як найбільшим числом подписанных под адресом газеты „Лемко“ Крыница.

Где позволят на тоты средства, зберати по крайней мірі по пару грошей на кошту подорожи делегатов до Нунциатуры в Варшаві и до о. Делегата, яких вышле Лемковский-Союз.

Не вольно нам спати, бо хата горит! Треба конечно ударити на тревогу!

## До чого довело політиканство в церкві.

Перед судом окружным в Новом Санчі, на выіздовой сесии в Грибові стануло недавно 50 наших селян с Изб и Баницы, повіта горлицкого, оскаржєных о крадеж литургичных річей с церквей. По дводневной росправі 8-ро людєв засуджено на арест от 4. неділі до 8 місяцов, решту, то єст 42 людєв суд оправдал.

Тло процесу было слідуюче. От давна, ище с перед світовою войною был в Избах парохом заслужєный рускый священник О. Дмитрий Хилык, котрого парохияне любили и уважали. Не любил его однак єпископ Коциловский и старал ся О. Хилыку докучати при всякой случайности, аж наконец его засуспендовал. Стетчас парохияне, хотючи вадемонструвати против несправедливому рішеню єпископа, звернули ся до О. Хилыка и предложили ему, штобы он перешол разом с нима на православие. Розжалєный на єпископа О. Хилык принял предложение и разом с людми перешол на православие. Нич дивного, што и дальше так людєв, як и он сам уважали литургичны річи, якы оставили в церкві за свои, бо старанем О. Хилыка и жертвами тих людєв были они куплены. Так розумуючи, людєв закрапєли ся до церкви, позаберали литургичны річи и перенесли их до выбудованой часовні. Але право повідат иначе. Право уважат такє самовольне забранє річей за крадеж и тому суд в Грибові выдал приказ коморникови отобрати тоты

річи. Людєв заняли в виду коморника грозы поставу и річей не отдали. За тоты отновидали тепер перед судом и были засуджены.

По закону они сут виноваты, але по совієти виноваты сут обєтавины, в яких живут тепер людєв на Лемковщині. Тяглым борбам релігійным, котры припоминають середноівчєны часы, треба уж раз положить конец. Они роздробляють наш народ и принєзят нам шкєду, бо вмєсто напружити вилы в напрямі культурального и экономичного поднесєня сєя, вмєсто лучити и єбєдиняти ся, вмєсто будувати народны дємы и кооперативы, — их вєдемє напотребны спєры релігійны и бідїмє што раз больше.

Конец той борбі и тым спєрам мєжє позєжити лем осередженє и обсаджєнє одіельной лемковской єпархии.

Всякє откладанє той справи мєжє оказати ся в будучности необчислимо шкєдливым.

Тому звертаєм ся до Министерства Внутренних Дїл, Министерства Прєзвїщеня и Віроисповїданя и до Апостольской Нунциатуры в Варшаві с проєбєм приєлїшити справу лемковского єпископства и тым самым положити конец релігійным борбам и спєрам а также освободити народ от прикєрых консєнценций карно судовых.

улучєнєя расы, а с другой стороны старають ся сотворити условя, штобы годовля увєц газдам ся оплатила и жебы газдове сами зрозумїли и оцінили користи, якы принєсє им хов расовых увєц.

В першой отже мірі повліяла Палата Рольнича в Кракові на войсковы команды, жебы осєньом кжде року войско в продолженю трох місяцов купувало баранину на два дни в тыждні и штобы ю купували прямо от продуцєнтов т. є. прямо от газдов, взглядно от газдовских кооперативов, євєнтуально от повітовых рольничих товариств.

Так отже уж минушого року интендантура краковских полков побрала от газдов из Рыхвалда, котры труднят ся убойом увєц, на пробу килька транспортов баранины, платячи ціны высши, як платили різники в Горлицях.

Той осєни интендантуры краковских полков затребовали от горлицкого повіта по одєнацєтєсєт килограмов баранины што дєсєть дней, то значит по три раз в місяц в місяцех жолтні, листопадї и грудні, даючи ціну по 1. зл. за кильограм баранины. Доставка тоту розділило Повітове Товар. рольниче по половині мєжє газдов из Рыхвалда и мєжє горлицких різников, бо газды из Рыхвалда не были в можности и не хотїли подняти ся цілою доставою.

И тота доставка при ціні по 1. зл. за кильограм мусит позлїяти на ціну увєц и баранов, бо при місячном запотребованю околє 300. баранов для войска лем из одного повіта, мусит ся взмочи попыт (спрос) за баранами и мусит поднести ся их ціна.

Однєчасно будє Рольнича Палата устроєвати в головнїших центрах годовлі и убою увєц безплатны білоскорничє курсы, жебы місцевє населєнє научити увєчу єкору належитє выправити. Такой курс был устроєный зимєм 1933/34. р. в Рыхвалді, а вєі его участники научили ся и належитє єкоры выправляти.

Команда армии и полиции приєкли, што закупят прямо от продуцєнтов цілєй запас єкор из увєц улєчєнєных расєм „каракул“ на ножухы для войска (кормує охорєны границ) и полициї, што тожє поднесє ціну єкор и увєличит дохєдовєсть годовлі увєц.

Єслибы годовля увєц расы „каракул“ у нас станула што до якєсти войны и єкоры по крайной мірі на той висєті, як годовля русьинска, тогда стане она уж барз поплатна, бо єкор таких будє місцевє населєнє уживати на фугра, колїны и шалкы замєст заграничных, а ціна такой одной єкоры дохєдит тепер до 50—60 зл.

Належит отже нашим людєм том справом живо поинтерєсовати ся, особєнно коли условя поправки расы увєц сут так благоприятны, што людєв поправа тота або совєсєм нич, або барз мало коштує.

Бараны росплодовых рас „каракул“ дают Пов. Тов. Рольничє газдам даром, вкладаючи лем на беручого обєязок, жебы его черєз 3. літа добєе кормил и дозєрал. По трох літах баран переходит на власность газды.

Уцы поправлєны расєм „каракул“ дают под условєм, што газда отдаст одну штуку прырєсту от той уцы, а уца єтара переходит тогда на власность газды.

Газда лем тогда отвітєат за адохнушого барана або уцу, наколи штука впала наслідком его недбалєства або злєсливости, а не отвітєат за случай.

Кромї того кжде року Повітовы Тов. Рольничє завчайно осєньом устроєють перегляд всїх штук увєц и баранов, подлєжєащих расовой євидєнции и кжде газда, котрого штука добєе кормлена и добєе удержала доєтєє пару злєтых премий (нагорєды).

## Акція поправки расы увєц на Лемковщині.

(Продолженє).

Понєжє в часах повєєнных кжде державє стрємит до самовыстарчалности, то значит стрємит до того, штобы можливо найвєцє, єсли не всьо, продуковати и фабрикєвати у сєбє, для того и наши отвітєственны кругы, поправляючи расу увєц, стрємлят до самовыстарчалности, то значит стрємлят до того, жебы держава не мусїла для фабрычной про-

дукции и для армии спроваджати из чужих краєв ни єкор увєчих, ни волны, ни наконец увєчєго сыра для ужитку ширшого загалу.

Хочє отже держава довести до того, штобы и раса и количество увєц выстарчило на покрьтє власного, внутрішного запотребованя.

С одной отже стороны стрємлят Рольничє Палаты и Повітовы Товариства рольничє до



Здавало б, що в тих умовах акція поправки раси уець повинна поступати скорим ходом і що люди повинні прямо перебігати в том, жебы скористати и: помочи и фахової ради Повіт. Тов. рольничих.

На ділі же виходить так, же ле лем треба во всяком поодиноким случаю наставляти наших людей, жебы взяли ци то расову уцу, ци барана на приховок, але часом в цілом селі тяжко найти чоловіка, котрий даст ся до того намовити.

И тот, котрий даст ся до того наклонити, доперва по року признат, же добре зробил, наколи насочно сам ся пережонат, же раса уець му ся поправила.

В найближшій будучности Палата Рольничача даст почин до основаня в горлицком повіті Повітового Кооператива розводителі уець, засобиючи кооператив тот значним грошовым дешевым кредитом, а то в той цілі, штобы такий кооператив мог виконати доставки мяса для войска, штобы скоры из зарізаних уець и баранов магазинувал, а потому протягом року во власном заряді и на власний рахунок виправлял и отпрдавал и штобы в будучности не было так, як мусіло ся стати того року, што половину поставы мяса для войска из тутешного повіта мусіло ся отступити купцам—ддятого, бо газды неорганизованы не были в силі виконати цілу доставку.

## Як треба обходити ся с навозом стаенным в зимі.

Навозы штучны сут тепер дороги, а продукты рольны так дешевы, ште не все господар може позволить собі на купно штучных навозов. Тому то повинен газда особливо тепер дбати о добрий оборонк и не марновати его, як то часто діє ся по наших селах.

Штобы придбати стаєниного навоза и штобы тот навоз не марновал ся, треба передовсем постарати ся о того, штобы дно и стіны дола, в котром складаме гноі были не пропускаемы, бо иначе отходы пльнны всякают до землі и гинут. Дно отже треба выліпити грубым слоем липоватой глины, або выложити цеглом.

Навоз містить в собі пожиточны и потребны для ростин складники (азот, фосфор, потас и вапно) и газда мусит старати ся о того, штобы тоты складники не улетучили ся в повітрі або не были выполоканы водом. Найтруднійше утримати в навозі азот, бо тот легко ухедит в повітрі. Страта єст велика, бо азот єст найдорожшим и найпотребнійшим для рости складником. Улетучанє ся азота познаєме по остром запаху в стайні, або коло гноя. Задержати азот можеме лем через стелєне под живину грубой верстны соломы, котра втігат гнояннцу в великом количестві.

Кто не має на тильо соломы, повинен постарати ся на стеліне о мох, або сміте с лісов чатинных. Листє букове и других листовых дерев не принимают дуже пльнов и тому азота не задержує. Барз добрый єст высушеный торф, але того єст в наших горах мало.

Кто не має доброго дола на стаєнный навоз, най лучше пережовує навоз цілу зиму под живином в стайні, Як стайня єст низка и не може помістити навоза, треба его раз

або два раз вывезти и уложити в велику и добре удоптану купу. Коли земля ростє, треба навоз накрыти грубом верством землі.

На весну треба гноі скорі росимарити по поли и зараз приорати.

Поступаючи так и не жалуючи стеліня, можна придбати в зимі бирз дуже навозу и заощадити мот гроша, котрий выдаєме за штучны навозы.

## Вписы на кооперативны курсы.

### СЕЛЯНЕ!

Руский народ, котрий находит ся в тяжком економичном положєнє, старат ся всіма силами выйти с него. Річ зрозуміла, што живучий народ, котрий хвилєво подупал економично, мусит поднеси ся, мусит дойти до своей цілі, мусит осигнути свою идею, за яку гинули десятки его найкрасших синов по ріжних Таларгофах.

Наша кооперация на Галицкой Руси взяла початок серед нашего горя, нужды и біды. В ей пісні також картина с життя Голодных, Ободраных, поруч с картинами надіи на красшу будучность, на свою Долю и Волю...

Тепер иде война и то жестока война—вправді не на кулі и багнеты,—а война тиха и повольна. Лем через кооперативну науку дойдеме до добробита и станєме руководителями господарского життя на селі.

Святым нашим обовязком єст за амятати тоты тысячны голоса Таларгофцов, котры отдали весь найдорожше, што мали.

Селяне! В обороні власных интересов вписуйте ся на кооперативны курсы. Селяне! Вписуйте ся на кооперативны курсы—там наберете загальної освіти. Трактуйте того рода справу, як ударну кампанію против темноты, яка царит по наших селах. Наша кооперативна праца серед нашего народа мусит быти загальною и кличем наших селян нехай буде: „Вписуйте ся на Кооперативны Курсы“ при Ревизийном Союзі Руских Кооперативов.

Дирекция  
Ревизийного Союза  
Руских Кооперативов.

## Кооперативны курсы.

В слід місцевостях отбудут ся курсы:

- в Скалаті,—2 тыждневы,
- в Поникві Великой пов. Броды—2 тыждневы
- в Крыниці-Здрой—1-лєно місячний
- во Львові—2 місячны.

Поданя вносити до Дирекції Ревизийного Союза Руских Кооперативов Львов, ул. Рутковского 22, 11. пов. Поданє мусит быти власноручно написанє і мати залучники:

- 1) Отпис послідного школьного свідцтва.
- 2) Посвідченє кооператива, взагално читальні, што кандидат єст руской национальности.
- 3) Марка почтова на 65 грошей.

Термин внесеня подань на курсы, котры будут отбывати ся в Скалаті, в Поникві Великой і Крыниці-Здрой—минат 20. листопада 1934 р. во Львові 15. грудня 1934. р.

Кождый буде повідомлений о прийнятю. Оплата за осдержанє булє подана потійше. Наука безплатна. Поданя внесенє по терміні останут без полагашєня. Програма выкладов обнимат, кромі кооперативных наук, также гру на инструментах, теорию співу і т. п.

## Курс кутя коней.

С инициативы Воеводского Уряда Краковского, начне ся 15. ЛИСТОПАДА Т. Р. под управлєнєм Рольной Палаты и при сотрудничаті войсковых властей ПЕРШІЙ ТРОХМІСЯЧНЫЙ КУРС КУТЯ КОНЕЙ в котром возме участь понад 20 участников.

Отвітно оголошеню Г-на Воеводы Краковского с дєя 17.Х. т. р. Н-р Р. В. II.—5.9.34. (Краковский Дневник Воеводский Н-р 20. поз. 152) участникам курса обезпечат ся безплатну науку и помешканє и прокормленє за оплатом 75 гр. денно.

Ціль курса єст приготовить певне число выквалификованных подкувачей коней, котры бы уміли обходити ся с коньом.

По укончєнєю курса кандидаты поддают ся экзаменам перед экзаминационным комисієм и в разі поборого результата, одержуют свідцтва, котры дають им право куті коні на пространстві цілої Річипосполитой Польской.

## О Б Я В Л Е Н Ё

Мицанска читальня им. М. Качкоаского в Сяноці устроєє в Сяноці 2-х місячний курс дыригентов, начинаючи (точно) от 3-го грудня 1934. до 31. січня 1935.

Кандыдаты жєлаючи поступити на курс платят при вписі за науку, помещенє с опалом одноразово зл. 15. и мають привести с собой:

сінник, престыню, подушку и на змїну білє.

Прошеня принимают до дня 20. листопада 1934. Михаил М. Перелом, предс. читальні, Сянок, ул. Косцюшки 46.



## Што чути в світі.

В Америці, в стані нью-йоркській, пришло до стрілянини медже безробітними, котри їхали до міста Альбани, шобы там представити властям свои требованя в справі помочи на зиму и полициим, котра не хотіла их допустити до міста. Ранені тяжко понад 20 люда и арестовано 45. При арестованих найдено револьверы. Против другой группы безробітних, котра їхала из Альбани до Буфальо полиция выступила с кульометами и гранатами и приневолила их до поворота.

Король болгарский Й. Борис выхал с королевом до Евксинограда. В часі ізды повстал на льокомотиві пожар, котрый однак скоро угасили. При гашеню огня, в котром взял участь сам король, попарил собі праву руку машинист. Король запровадил машиниста до своего вагона, а сам вернул на льокомотиву и доїхал до Варны.

Советский й, военный корабель показался на водах румынских недалеко Констанцы. Корабель о назві «Коминтерн» переплынул там и назад долж побережа румынского и отдалил ся. Румынские власти послали за ним канонерку и два верепляны. — Думают, же те заблукавший ся корабель флоты советской, котра переводит маневры на Чорном Мори.

На Литві министр сельництва предложил проект, в ділі виданя приказа урядникам, шобы они куповали гуси. На каждых 100 литов пенсии мусят урядники куповати 1 до 1½ гуси. Таким способом хоче министр обезпечити збыт дробю газдам литовским.

Світло, котре приносит смерть, вынашол немецкий инженер, Кайльгавз. При демонстрации того світла убил он на пространстве 1 км. килька звірят великих (волы). Круги войсковы привязуют велику вагу до того світла, котрым в часі войны можна буде убити не лем летчиков, але также массово убивати отділы войск.

В Тчеві отбыл ся шромес против шайш, котра труднилась ей подребляем заграничных паспортов. Шайша тот, котра мала свою кантрелю в Гданеку и отділення в Тчеві, Лодзі и Познаню, подребляла паспорты дунским ріжним крыманистам, пубанкретованым купцам и поборовым, хетячим уникнути войсковой службы.

В Естонии выдало правительство декрет, же зазуджены на смерть могут ся сами отрути.

Австрийский канцлер Шушник наміряет приїхати до Риму 20. листопада.

Амбасадор Р. П. Высоцкий в Рині отбыл конференцию с начальником кабинета италийского министра закордонных діл, амбасадором Алоисим.

Короля цыганов Квска II устранило правительство чешке с преділов Чехословакии рззом с членами его родины, яко утяжлив. го инностранца.

В Леобен в Австрии закончено процес против народовым социалистам (гитлеровцам), котрый тырвал от 20. серпня до 3. жолтня. Перед судом стало 107 нар. социалистов. Чотырох засуджено на кару смерти, с тых двоих помиловано, двоих оправдано, а решту т. е. 101. засуджено на кару вязницы за здрапу або бунт.

Ціна соли низша от 5 листопада и мас выносити за 1 кг. 22 гроши.

В Німеччині ест біда и дорожуют товары першого запотребованя, як яйца, масло, солонина, картофелі и овочи. Крытыковати однак того не вольно, бо полиция за то арестує. Недавно арестовано 6. члена партии нар. социалистичной зо того, же выповіл ся, што «німцы под правительством народ-социалистов помрут от голода». Хваль, хоц пухнеш с біды!


## Обще Собрание.

Членов Общества «Руска Бурса в Горлицах» отбуде ся в четверг 8. падолиста 1934 р. о год. 10-той в власном домі со слідуючом програмом дня:

1. открыте Общего Собрания и выбор председателя,
2. отчитане и приняте протокола последн. Общ. Собр.
3. доклад о деятельности и касове справоздане,
4. доклад контрольной комиссии,
5. дискусия над докладами и упіжене уступажоному выдѣлу абсолютории,
6. приняте нового статута Общества,
7. выбор нового выдѣла и контрольной комиссии,
8. внесене и запроса членов.
9. закрыте Общего Собрания.

Если в означенном часі не явит ся требуемое статутном число членов, то слідуют Общ. Собрание отбуде ся о год. того самого дня и с тем самым програмом.

В ы д і л.



### Комунальна Каса Омшадности в Крыниці

принимат вклады и платит высокий процент. Уділят также пожичок на добрых условиях!

## ОБЯВЛЕНЕ

В неділю, дня 11. падолиста 1934. о год. 1. в полудне отбуде ся в салі читальні ім. М. Качковского в Щавнику, новосандецкого повіта собрание по ділу открыта руского кооператива.

Правлене читальні.

В неділю, дня 11. падолиста 1934. о год. 4. по полудни отбуде ся в домі г-на Луки Крайняка в Злоцком — новосандецкого повіта Обще Собрание членов читальні ім. М. Качковского и собрание по ділу открыта руского кооператива.

Правлене чит.

### Найліпше и найдешевше

меже каждый фурман заосмотрити ся и потребный для себе товар як овес, сене, сичку смары, подковы, клинцы в своєм руском „Фурманском Кооперативі“, котрый находит ся в Крыниці Здрою в домі г. Назара Громосяка коло різнi.

## Найліпши условия асекурацийны

да е

Асек. Товариство  
ВИТА-КРАКОВСКЕ  
во Львові.



Оно спомагат также наши товариства.  
Информации уділят редакция „Лемко“.